

Stanzelao e u ciucce cape tuoste

Quann'éva 'uaglione, quasce tutte le cuntarine che tenèane le tèrre pe Colle dell'Urze, pe Cacciapésce, pe Sangiuanniélle e p'abbasce u Murtariélle, venivene a vénne verdure e frutta pe le Cappuccine e pe le Case Popolare, arréte a la chiésia. Allóra 'ste ddu'quartière évene chine chine 'é 'uagliune, ca le famigle a chille tiémpe facèane nu sacche 'é figlie.

Nu' 'uagliune štavame sèmpe mmiez'a la vija a paccijà.

Le cuntarine veniane che le ciucce che chiamavene “ vettùre ”, cumme se fussere machene.

Scignèane le “piunze” chine 'e rrobba e lassavene le ciucce attaccate vicine a le mure.

Spisse nu' 'uagliune pigliavame 'šte ciucce e scurrazzavame pe le vije du quartiere.

Ce štèa nu tizie che pe 'nze fa frecà u ciucce, ru attaccave a Via Piave, vicine a la casa 'é Rubbenèlla, faccefrunte a zi' Giorge e po' ze ne ija a fa le fatte suo'.

'Št'ome u chiamavene Štanzelāe.

Na matine Štanzelāe, roppe fatte le fatte suo', scioglie u ciucce e ze mette a cavalle pe ze ne turnà a la massaria; spróna la bèštia, ma chèlla 'nze smóve. Próva a terarle le càuce rénta la panza, allucche “ Ah!” terannele cauce e capezzate, ma la bèštia nne vo' sapé' 'é cammenà.

Allóra Štanzelāe ze 'ncazza pègge 'è nu riāule. Scègne da u ciucce, l'acchiappe la cape mmiéze a le mane e dice:” Tu nne vuo' cammenà e mò te facce veré' i” e te le rà nu mucceche 'ncoppe u nase. U povere ciucce mména n'allucche forte p'u dulóre e 'ntante le esce nu sacche 'é sanghe, ca 'nze fermave pe quante ce ne scija.

Allóra Štanzelāe ze fa rà nu štracce da Rubbenèlla, u bagne r'acqua e ce ru mette 'ncoppe u nase fine a quanne u sanghe 'nze férme.

A la fine ze mettètte a cavalle a u ciucce e, sule ca sbattètte nu poche la capézza, u ciucce 'ncumenzatte a truttà cumme a nu pulletriélle.

(Cèrte ca è proipa vére ca quanne une 'nte ubberisce, ce vo' la mazza!)

'Štu fatte a chille tiémpe 'nfacètte nutizia, ma a tiémpe d'ogge na cósa 'è chéssa avésse fatte u gire de tutte le giornale d'u munne!

La veretà è ca allóre l'uómmene évene cchiù bèštie de le ciucce, forse pecchè pacchijavene!